

14 janvier 1397 V. S.

En *notre* court a *Guingamp* Jehan de Bretaingne comte de Penthievre et vicomte de Lymoges en droit *quant* ace *personnelement* establiz Phelippes de Quoitgoureden chevalier en son nom et comme garde naturelle de ses enffanz de li *procreez* en feu dame Yssabell le *Provost* jadis sa compaignne espouse Et Yssabeau du Disquay deguerpie de feu Henry le *Provost* les quelx et *chacun* deulx *oudit* nom congnessanz et confessanz saints *dautrefois* ledit feu Henry le *Provost* avoit prins en et accepte de feuz Hamon le Roux et Prigent Duaut au nom et *comme* *procurours* jadis de la *fabrique* de liglisse *notre* dame de *Guingamp* par *coustume* une place de terre sisse en la rue de la *Trenite* jouste *notre* dite ville *entr^e* une place audit feu Henry joust la meson Eon Fome jadis en la dite rue dune *part* et une place vaquante quelle estoit pour le *temps* a la ville et bourgeois de *notre* dite ville *acheminante* dun chieff sur les courtillz de la rue es chemes et sur la rue de la *Trenite* *dautr^e* pour la *somme* de sept soulz en deniers *par* *chacun* an a *chacune* feste de la sante croez en septembre et dont ladite *fabrique* et ses *procurours* *avoient* *possession* et saissine *dautre* et lever ycelle rente *par* *chacun* an dessus la meson courtill et place que tient en *present* Sebille fille Martin Doroloy en la dite rue de la *Trenite* les *queu^{ix}* *monseigneur* Phelippes et es dit noms *comme* *hoirs* dudit feu Henry le *Provost* et la dite deguerpie. Et *chacun* deulx en tant *comme* ly touche voulanz et desiranz que ladite *fabrique* soit *bien* assignee et paiee dicelle rente ont acorde et compose o Jehan Bernart et Jehan de Kerahes *procurours* en *present* pour ladite *fab[rique]** et de leur *ensentement* ensambles ainxin que pour retour et *recompensacion* des diz sept soulz de rente deu dessus ladite place et affin q[ue] * ladite *fabrique* soit nulz assignee et paiee les diz chevalier et es diz noms et ladite deguerpie et *chacun* deulx ont gree baille livre cesse *transpo[rte]** et delesse a ladite *fabrique* par les diz *procurours* *autres* sept soulz de rente de levee *par* *chacun* an a *chacun* *terme* dessus dit et est[re]* prins levez et receuz en et dessus une meson son fontz courtill place yssues et *appartenances* que Geffroy Solimen a et tient en *present* [*manque*]* rue de la *Trenite* sisse *entr^e* la meson de ladite Sebille dun coste et la place et meson es *hoirs* Rualt Castric *dautr^e* coste aestre [*manque*]* et levez les diz sept soulz de rente dessus ladite place a valoir en la *somme* de vingt soulz de rente qui sont deuz en *present* de [*manque*]* aux consorz audit *terme* de la Sainte Croiz a la dite *fabrique* et *procurours* dicelle et a qui cause aura deulx a tenir joir lever *possessi^{on}* [*manque*]* ycelle *somme* de sept soulz de rente dessus ladite meson fontz courtill et place dudit Solimen audit *terme* affin et *comme* leur droit et *propre* *heritage* a james *par* tittre et en nom de ladite *composicion* *comme* dit est admenant desia les diz consortz et es diz noms. Les diz *procurours* diz et diz noms et ladite *fabrique* pour eulx et pour leurs *hoirs* en vroye *possession* reelle et saisine corporelle de ladite rente *par* *chacun* an dessus ladite meson dudit Solimen *par* la baillee et *transport* de ces hers. Ce *quant* a garantir garder et deffandre ladite *fabrique* et *procurours* es diz noms sur ladite rente et *ottant* tout ampechementz dessus vers touz et *contr^e* touz a la *coustume* obligeant les diz *monseigneur* Phelippes et es diz noms et ladite deguerpie et *chacun* deulx en tant *comme* ly touche. Touz leurs *biens* meubles et *heritages* *presentz* et futurs a prendre vandre exequer expletter distribuer aliener banir avenanter et destrier selonc la *meme* *somme* des contraz de *notre* dite court sanz *terme* de *parller* *terme* juge querre exoine mander sexoiner plegement vie ne suspense de court diglisse *faire* ne *impestrer*. Renuncie auxi *prinse* et *avantages* de ladite deguerpie au droit et *benefice* de Velleyan et de dyvidreyan¹ le sur ce savante rentroducte en sa *propre* loquance Et jurerent les diz *monseigneur* Phelippes et es diz noms et ladite deguerpie et *chacun* deulx en tant *comme* ly touche ladite baille et *transport* d*heritage* ladite *composicion* et toute la *somme* et tenir de ces hers de point en point tenir *fournir* et *acomplir* sanz james *venir* *encontr^e* *par* eulx ne *par* *autres* en aucune *maniere*. Donne sauff *notre* droit et lautruy seignours tesmoign le seel aux *contraz* de *notre* dite court o le seel dudit *monseigneur* Phelippes pour soy et es diz noms et o le seell dom Rolland de Botsent pour ladite deguerpie a ses *presentes* et requestes le XIII^e jour de janvier lan mil III^{CT} IIII^{XX} et deiz sept.

[Signature :]

J. Corgam passe

¹ Dyvidreyen ou *Dyvi Adrien* ou *Divi Adreyan* - Tous autres droits octroyés et introduits en la faveur des femmes.

Verso :

14 Janvier

1397

H. 4^e.

Tittre censyf pour sept solz de
rente deuez a la fabrice sur
lhipotheque dune maison en la
rue de la Trinitté appartenante a
dame Elisabeth le Prevot femme
de Phelippes de Coatcoureden Chevalier

* La bordure du parchemin partiellement rongée

Sources : AD22 Série 20G Art. 756

Transcription et annotations Yves SEÏTÉ